



REPUBLIKA E SHQIPËRISË

**AUTORITETI I KONKURENCËS  
KOMISIONI I KONKURENCËS**

Nr. 503/prot.  
58

Tiranë, më 27. 12.2022

**VENDIM**

Nr. 951, Datë 27. 12. 2022

**“PËR MBYLLJEN E PROCEDURËS SË MONITORIMIT TË ZBATIMIT TË VENDIMIT NR. 819, DATË 02.09.2021 “PËR MBYLLJEN E PROCEDURËS SË HETIMIT TË THELLUAR NË TREGUN E IMPORTIT DHE TREGTIMIT ME SHUMICË TË MASKAVE, NË TREGUN E IMPORTIT, PRODHIMIT DHE TREGTIMIT ME SHUMICË TË ALKOOLEVE DHE GEL DEZINFEKTUES, NË TREGUN E IMPORTIT DHE TREGTIMIT ME SHUMICË TË TERMOMETRAVE DHE DHËNIEN E DISA DETYRIMEVE NDAJ NDËRMARRJES PHARMA ONE SHPK”**

Komisioni i Konkurrencës me pjesëmarrjen e:

Z.	Denar BIBA	Kryetar
Znj.	Leida MATJA	Zv/Kryetar
Znj.	Rezana KONOMI	Anëtar
Znj.	Adriana BERBERI	Anëtar
Z.	Durim KRAJA	Anëtar

Në mbledhjen e tij të datës 27. 12. 2022, shqyrtoi çështjen me:

**Objekt:** Mbyllja e procedurës së monitorimit të zbatimit të vendimit nr. 819, datë 02.09.2021 “Për mbylljen e procedurës së hetimit të thelluar në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe gel dezinfektues, në tregun e importit dhe tregtimit me shumicë të termometrave dhe dhënien e disa detyrimeve ndaj ndërmarrjes Pharma One SHPK”.

**Bazë ligjore:** Neni 24, germa (d) dhe neni 26 të ligjit nr. 9121, datë 28.07.2003 “Për mbrojtjen e konkurrencës”.

**Komisioni i Konkurrencës** pas shqyrtimit të:

- Relacionit të Sekretarit të Përgjithshëm të Autoritetit të Konkurrencës;
- Raportit të monitorimit mbi zbatimin e vendimit nr. 819, datë 02.09.2021.

**VËREN SE:**

1. Komisioni i Konkurrencës në përfundim të procedurave të hetimit të thelluar në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe gel dezinfektues, në tregun e importit dhe tregtimit me shumicë të termometrave, bazuar në nenin 24, shkronja (d), nenin 26, nenin 43, pika

konkurrencës”, i ndryshuar, me vendimin nr. 819, datë 02.09.2021 “Për mbylljen e procedurës së hetimit të thelluar në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe geldezinfektues, në tregun e importit dhe tregtimit me shumicë të termometrave dhe dhënien e disa detyrimeve ndaj ndërmarrjes Pharma One SHPK”, vendosi:

- I. Mbylljen e procedurës së hetimit të thelluar ndaj ndërmarrjes Pharma One SHPK në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe geldezinfektues, në tregun e importit dhe tregtimit me shumicë të termometrave.
  - II. Detyrimin e ndërmarrjes Pharma One SHPK të mos bëjë marrëveshje dhe/ose praktika të bashkërenduara, të cilat kanë si objekt ose pasojë pengimin, kufizimin ose shtrembërimin e konkurrencës në treg, veçanërisht:
    - a. të caktojnë, në mënyrë të drejtpërdrejtë ose të tërthortë, çmimet e blerjes ose të shitjes, apo çdo kusht tjetër tregtimi;
    - b. të kufizojnë ose kontrollojnë prodhimin, tregjet, zhvillimin teknik ose investimet;
    - c. të ndajnë tregjet ose burimet e furnizimit;
    - d. në marrëdhëniet tregtare me palët e tjera, zbatojnë kushte të ndryshme për transaksione të njëjta, duke i vendosur ato në gjendje të pafavorshme konkurrence;
    - e. të kushtëzojnë lidhjen e kontratave me pranimin nga palët e tjera kontraktuese të detyrimeve shtesë që, për nga natyra ose nga përdorimi i tyre tregtar, nuk kanë lidhje me objektin e këtyre kontratave.
  - III. Në rast të mos përmbushjes së kushteve dhe detyrimeve të përcaktuara në dispozitivin e këtij vendimi, ndërmarrja Pharma One SHPK në zbatim të nenit 76, pika 1, germa (a) të ligjit nr. 9121/2003 ndëshkohet me penaltetin përkatës.
  - IV. Monitorimin e sjelljes së ndërmarrjes Pharma One SHPK për një periudhë 12 mujore nga marrja e vendimit.
2. AK në kuadër të monitorimit të zbatimit të kushteve dhe detyrimeve të VKK nr. 819, datë 02.09.2021, ka bashkëpunuar me ndërmarrjen Pharma One SHPK duke administruar informacionin, si më poshtë vijon:
- AK me shkresën nr. 509/8 prot., datë 01.08.2022 dhe me shkresën me nr. 509/19 prot., datë 31.08.2022 “Kërkesë për informacion” drejtuar ndërmarrjes Pharma One SHPK ka kërkuar informacion mbi blerjet dhe shitjet analitike për produktet maska, xhel desinfektant, alkool dhe termometra infrared për periudhën 02 shtator 2021 – 31 korrik 2022.
  - Ndërmarrja Pharma One SHPK me emailin e datës 16.08.2022 “Dërgim Informacioni”, (protokolluar pranë AK me nr. 509/33 prot., datë 06.09.2011) dhe me shkresën nr. 509/43 prot., datë 09.09.2022 ka informuar në lidhje me zbatimin kushteve dhe detyrimeve të përcaktuara në VKK nr. 819/2021.
3. Nga administrimi dhe përpunimi i informacionit për ndërmarrjen Pharma One SHPK, konstatohet se kjo ndërmarrje për periudhën e monitorimit ka treguar produktet maska, alkool dhe gel dezinfektues.

## **i. Lidhur me analizën e tregut të importit dhe tregtimit me shumicë të maskave**

4. Produkti maska është një nga produktet e nevojshme për përballimin e situatës së krijuar nga epidemia e COVID-19, gjatë gjithë kohëzgjatjes së epidemisë. Referuar të dhënave teknike dhe cilësore të tyre, maskat janë ndarë në katër kategori: maskë respiratore me nivel mbrojtës FFP3, maskë respiratore me nivel mbrojtës FFP2 (N95), maskë kirurgjikale e thjeshtë dhe maskë prej pëlhere.
5. Për të vlerësuar sjelljen e ndërmarrjes Pharma One SHPK, grupi i punës i ka analizuar produktet të klasifikuar Maskë të ndara sipas kategorive: Maskë Kirurgjikale; Maskë KN95 me Valvul; Maskë KN95 pa Valvul; Maskë FFP2 pa Valvul dhe Maska për fëmijë.
6. Për ndërmarrjen Pharma One SHPK, për periudhën e monitorimit 2 shtator 2021 – 31 korrik 2022 janë analizuar maskat e këtyre kategorive: Maskë Kirurgjikale të shitur me një sasi prej 143 950 copë; Maskë KN95 me Valvul të shitur me një sasi prej 8 copë; Maskë KN95 pa Valvul nuk ka tregtuar; Maskë FFP2 pa Valvul nuk ka tregtuar; dhe Maska për fëmijë nuk ka tregtuar.
7. Në fund të analizës për kategorinë e produktit Maskë është konstatuar se ndërmarrja Pharma One SHPK ka aplikuar çmime mesatare të shitjes të ndryshme nga çmimet që kanë aplikuar ndërmarrjet e tjera përgjatë periudhës së monitorimit dhe për pasojë nuk ka shkelje në kuptim të nenit 4 të ligjit nr. 9121/2003.

## **ii. Lidhur me analizën e tregut të importit, prodhimit dhe tregtimit me shumicë të alkooleve dhe gel dezinfektues**

### **ii.1 Analiza e tregut të importit, prodhimit dhe tregtimit me shumicë të alkooleve**

8. Produkti alkool është një nga produktet e nevojshme për përballimin e situatës së krijuar nga epidemia COVID-19. Referuar të dhënave teknike, alkooli ndahet në disa lloje të cilat ndryshojnë nga njëra tjetra në bazë të gradës dhe sasisë në paketim.
9. Për të vlerësuar sjelljen e ndërmarrjes Pharma One SHPK, grupi i punës i ka analizuar produktet të klasifikuar Alkool të ndara sipas tetë kategorive: (i) Alkoole 70% me paketim 1 litër ose më shumë; (ii) Alkoole 90% me paketim 1 litër ose më shumë; (iii) Alkoole 90% me paketim 100 - 250 mililitër ; (iv) Alkoole mbi 90% me paketim 1 litër; (v) Alkoole 70% me paketim 100 - 250 mililitër; (vi) Alkoole 70% me paketim 250 mililitër; (vii) Alkoole të ndryshme 70%-95% me paketim 1 litër; (viii) Alkoole 70% me paketim 750 mililitër.
10. Ndërmarrja Pharma One SHPK, përgjatë periudhës së monitorimit 2 shtator 2021 – 31 korrik 2022 ka tregtuar produktet: Alkool 70% 1LIT të shitur në një sasi prej 2 675 flakonë; Alkoole 90% me paketim 1 litër ose më shumë është shitur në një sasi prej 2 085; Alkoole 90% me paketim 100 - 240 mililitër të shitur në një sasi prej 3 475 flakonë; Alkool x 70% 100-240 ml të shitur në një sasi prej 7 493 flakonë; Alkool 70% x 250 ml të shitur në një sasi prej 1 354 copë dhe Alkool mbi 90% x 1L të shitur në një sasi prej 15 copë.

11. Në fund të analizës për kategorinë e produktit Alkool është konstatuar se ndërmarrja Pharma One SHPK ka aplikuar çmime mesatare të shitjes të ndryshme nga çmimet që kanë aplikuar ndërmarrjet e tjera përgjatë periudhës së monitorimit dhe për pasojë nuk ka shkelje në kuptim të nenit 4 të ligjit nr. 9121/2003.

### **ii.2 Analiza e tregut të importit, prodhimit dhe tregtimit me shumicë të gel dezinfektues**

12. Produkti gel dezinfektues është një nga produktet e nevojshme për përballimin e situatës së krijuar nga epidemia COVID-19. Referuar të dhënave teknike, produkti gel dezinfektues ndahet në disa lloje të cilat ndryshojnë nga njëra tjetra në bazë të sasisë së paketuar.
13. Për të vlerësuar sjelljen e ndërmarrjes Pharma One SHPK, grupi i punës i ka analizuar produktet të klasifikuar Gel dezinfektues të ndara sipas kategorive: Gel dezinfektues 1L; Gel dezinfektues 100ml; Gel dezinfektues 80ml dhe Gel dezinfektues 500ml.
14. Ndërmarrja Pharma One SHPK, përgjatë periudhës së monitorimit 2 shtator 2021 – 31 korrik 2022 ka treguar produktet: Gel dezinfektues 100ml të shitur me një sasi prej 109 flakonë; Gel dezinfektues 80ml të shitur me një sasi prej 499 flakonë dhe Gel Dezinfektues 500 ml të shitur me një sasi prej 260 flakonë.
15. Në fund të analizës për kategorinë e produktit Gel Dezinfektues është konstatuar se ndërmarrja Pharma One SHPK ka aplikuar çmime mesatare të shitjes të ndryshme nga çmimet që kanë aplikuar ndërmarrjet e tjera përgjatë periudhës së monitorimit dhe për pasojë nuk ka shkelje në kuptim të nenit 4 të ligjit nr. 9121/2003.

### **iii. Lidhur me analizën e tregut të importit dhe tregtimit me shumicë të termometrave**

16. Produkti termometër infrared është një nga produktet e nevojshme për përballimin e situatës së krijuar nga epidemia e COVID-19, gjatë gjithë kohëzgjatjes së epidemisë.
17. Ndërmarrja Pharma One SHPK përgjatë periudhës së monitorimit 2 shtator 2021 – 31 korrik 2022 nuk ka tregtuar produktin termometër.
18. Në përfundim të vlerësimit së sjelljes së ndërmarrjes Pharma One SHPK në tregun e importit dhe tregtimit me shumicë të maskave; në tregun e importit, prodhimit dhe tregtimit me shumicë të alkoolit; në tregun e importit, prodhimit dhe tregtimit me shumicë të gel dezinfektues dhe në tregun e importit dhe tregtimit me shumicë të termometër nuk konstatohet ekzistenca e një sjelljeje të bashkërenduar e cila bie në kundërshtim me nenin 3, pika 4, nenin 4, pika 1 e ligjit nr. 9121, datë 28.07.2003, “Për mbrojtjen e konkurrencës”.

19. Për sa më sipër, konstatohet se kushtet dhe detyrimet të dhëna në pikën II të dispozitivit të vendimit nr. 819, datë 02.09.2021, janë zbatuar nga ndërmarrja Pharma One SHPK.

### PËR KËTO ARSYE:

Komisioni i Konkurrencës, bazuar në nenin 24, germa (d) dhe nenin 26 të ligjit nr. 9121, datë 28.07.2003 “Për mbrojtjen e konkurrencës”,


### VENDOSI:

- I. Mbylljen e procedurës së monitorimit në zbatim të vendimit nr. 819, datë 02.09.2021 “Për mbylljen e procedurës së hetimit të thelluar në tregun e importit dhe tregtimit me shumicë të maskave, në tregun e importit, prodhimit dhe tregtimit me shumicë të alkooleve dhe gel dezinfektues, në tregun e importit dhe tregtimit me shumicë të termometrave dhe dhënien e disa detyrimeve ndaj ndërmarrjes Pharma One SHPK”.
- II. Ngarkohet Sekretari i Përgjithshëm për njoftimin dhe ndjekjen e zbatimit të këtij vendimi.

Ky vendim hyn në fuqi menjëherë.

### KOMISIONI I KONKURRENCËS

**Leida MATJA**

  
Zv/Kryetar

**Rezana KONOMI**

  
Anëtar

**Adriana BERBERI**

  
Anëtar

**Durim KRAJA**

  
Anëtar

**Denar BIBA**

  
Kryetar